



Broj: 02-02 - 1972 /26
Trnovo, 09. 06. 2026. godine

Na osnovu člana 3. Pravilnika o minimalnim standardima dodjele budžetskih sredstava neprofitnim organizacijama, broj 01-02-1755/26 od 18.5.2026. godine, Budžeta Općine Trnovo za 2026. godinu („Službene novine Kantona Sarajevo“, broj 2/26), Odluke o izvršavanju Budžeta Općine Trnovo za 2026. godinu („Službene novine Kantona Sarajevo“, broj 2/26), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine FBiH“, broj 37/24), Općinski načelnik po ovlaštenju Općinskog vijeća broj 01-02-960/26 od 18.03.2026. godine, raspisuje

JAVNI POZIV
ZA DODJELU BUDŽETSKIH SREDSTAVA NEPROFITNIM ORGANIZACIJAMA
OSTALA UDRUŽENJA GRAĐANA

1. NAZIV DAVAOCA SREDSTAVA

Općina Trnovo, putem Službe za opću upravu, civilnu zaštitu, boračko-invalidsku, dječiju i socijalnu zaštitu, objavljuje Javni poziv za dodjelu budžetskih sredstava neprofitnim organizacijama (ostala udruženja građana) za finansiranje projekata i aktivnosti od javnog interesa.

2. OPIS PROJEKATA I CILJEVI

Predmet Javnog poziva je finansiranje projekata i aktivnosti neprofitnih organizacija koje doprinose ostvarivanju javnog interesa na području Općine Trnovo, a naročito u oblastima:

- kulture i kulturno-historijskog naslijeđa i
- sporta i sportske rekreacije,

Ciljevi Javnog poziva su:

- unapređenje kvaliteta života građana,
- razvoj društvenih, kulturnih i sportskih aktivnosti,
- jačanje kapaciteta neprofitnih organizacija,
- promocija društvene solidarnosti i uključenosti,
- očuvanje kulturno-historijskog naslijeđa i tekovina odbrambeno-oslobodilačkih ratova.

3. UKUPAN IZNOS RASPOLOŽIVIH SREDSTAVA

Ukupan iznos raspoloživih sredstava iznosi: 35.000,00 KM.

Minimalni iznos sredstava po projektu iznosi: 300,00 KM.

Maksimalni iznos sredstava po projektu iznosi: 7.000,00 KM.

Administrativni, tehnički i stručni troškovi mogu iznositi maksimalno 30% od ukupno odobrenih sredstava.

4. PRAVO UČEŠĆA I CILJNA GRUPA

Pravo učešća imaju:

- udruženja građana iz oblasti kulture i sporta čiji će se projekti realizovati na području Općine Trnovo ili u kojima učestvuju građani Općine Trnovo.

Ciljna grupa su građani Općine Trnovo, mladi, djeca, sportski kolektivi, kulturni djelatnici i druge kategorije stanovništva obuhvaćene projektima.

5. VREMENSKI PERIOD

Javni poziv raspisuje se za projekte i aktivnosti koji će se realizovati u toku budžetske/kalendarske

godine 2026.

Trajanje projekta ne može biti duže od jedne godine.

6. ROKOVI TRAJANJA POZIVA I POSTUPANJA PO PRIJAVAMA

Javni poziv ostaje otvoren:

- do kraja tekuće godine.

Prijave pristigle nakon isteka roka neće se razmatrati.

Postupak pregleda, ocjene i donošenja odluke provest će Služba za opću upravu u skladu sa Pravilnikom.

7. NAČIN PREUZIMANJA DOKUMENTACIJE

Prijavni obrasci i prateća dokumentacija mogu se preuzeti:

- na službenoj internet stranici Općine Trnovo;
- u prostorijama Službe za opću upravu Općine Trnovo.

8. KONTAKT ZA DODATNA PITANJA

Dodatne informacije mogu se dobiti:

- putem telefona: 033/586-700
- putem e-maila: upravatrnovo@gmail.com

9. INFORMACIJA O DRŽAVNOJ POMOĆI

Dodjela budžetskih sredstava vrši se u skladu sa važećim propisima o državnoj pomoći u Bosni i Hercegovini i Federaciji Bosne i Hercegovine.

10. PROCEDURE ZA SPREČAVANJE SUKOBIA INTERESA

Sukob interesa postoji ukoliko je osoba odgovorna za vođenje postupka i njen nadređeni lično, porodično ili poslovno povezan sa podnosiocem prijave ili ima direktni ili indirektni interes u realizaciji projekta.

11. POSTUPAK IZJAVLJIVANJA PRIGOVORA

Nezadovoljni podnosioci prijava mogu podnijeti prigovor na odluku o dodjeli sredstava u roku od 5 dana od dana od dostave obavještenja.

Prigovor se podnosi u pisanoj formi putem protokola Općine Trnovo.

12. PRIJAVNI OBRAZAC

Prijava se podnosi na propisanom prijavnom obrascu uz obaveznu prateću dokumentaciju:

- rješenje o registraciji,
- dokaz da je uredno izvršavao obaveze po ranije dodjeljenim sredstvima od strane Općine Trnovo,
- uvjerenje o izmirenim poreskim obavezama,
- Izjava da se ne vodi krivični postupak i da nisu pravosnažno osuđeni,
- izjavu o nepostojanju sukoba interesa,
- budžet projekta,
- dokaz o sufinansiranju (ukoliko postoji).

Prijave se dostavljaju u zatvorenoj koverti sa naznakom:

„Prijava na Javni poziv za dodjelu budžetskih sredstava – NE OTVARATI“

na adresu: , OPĆINA TRNOVO, Služba za opću upravu, civilnu zaštitu, boračko-invalidsku, dječiju i socijalnu zaštitu. Trnovo 36., 71223 Delijaš.

Pregled i ocjenu prijava vrši nadležna Služba za opću upravu u skladu sa Pravilnikom o minimalnim standardima dodjele budžetskih sredstava neprofitnim organizacijama.

Nakon provedene procedure pregleda i ocjenjivanja prijava, Služba sačinjava prijedlog o dodjeli

finansijskih sredstava.

Na osnovu prijedloga službe, Općinski načelnik donosi Odluku o dodjeli budžetskih sredstava neprofitnim organizacijama za projekte u tekućoj godini.

Sa korisnicima kojima budu odobrena sredstva zaključit će se pojedinačni ugovori u roku od 15 dana od dana donošenja Odluke o dodjeli budžetskih sredstava.

OPĆINSKI NAČELNIK
PO OVLAŠTENJU OPĆINSKOG VIJEĆA
MEŠIĆ

